



otpanews.kz

1973 ЖЫЛДЫҢ 13 СӘУІРІНЕН ШЫҒА БАСТАДЫ

МАҢҒЫСТАУ



Kaspi Bank арқылы жазылу

№54 (10454) 15 ШІЛДЕ, СЕЙСЕНБІ, 2025 ЖЫЛ

ОБЛЫСТЫҚ ҚОҒАМДЫҚ-САЯСИ ГАЗЕТ

• ҚЫСҚА-НҮСҚА

ОБЛЫСҚА 250 МЕДИЦИНА МАМАНЫ ЖЕТІСПЕЙДІ

МО денсаулық сақтау басқармасының басшысы Бекболат Ізбасаровтың айтуынша, аймақта шамамен 250 дәрігер жетіспейді. Ең көп қажет мамандар – терапевт, педиатр, хирург, акушер-гинеколог, анестезиолог және гематолог.

ЖҮЙКЕГЕ ӘСЕР ЕТЕТІН ЗАТТАРДЫ ЖАРНАМАЛАҒАН 5 АДАМ СОТТАЛДЫ

Ақтау қалалық сотының үкімімен бес адам, оның ішінде екі әйел, ҚР ҚК-нің 299-1-бабының 2-бөлігі бойынша психотроптық заттарды заңсыз жарнамалағаны үшін кінәлі деп танылды. Жеке тінту кезінде екі адамнан мефедрон психотроптық заты тәркіленді, олардың әрекеттері ҚР ҚК-нің 296-бабының 3-бөлігі бойынша қосымша сараланды. Бесеуі де әрқайсысы 3 жыл 6 айға бас бостандығынан айырылды. Үкім заңды күшіне енді.

КЕНДІРЛІ ЗАУЫТЫНДА ТЕҢІЗ СУЫН ТҰШЫТУ БАСТАЛДЫ

Маңғыстау облысындағы жобалық қуаты тәулігіне 50 мың текше метр болатын «Кендірлі» зауытында теңіз суын тұшыту процесі басталды. Кәсіпорындағы құрылыс жұмыстары 30 мамыр күні аяқталған. Суды тұшыту, тұзсыздандыру және минералдандыру цехтары, сорғы стансасы, екі қосалқы станция, жөндеу-механикалық цех, гараж, қоймалар, зертхана, өрт сөндіру бекеті, қазандық орнатылды.



ТУРИСТЕРДІ ҚАБЫЛДАЙТЫН ОРЫН ЖЕТКІЛІКСІЗ

ТАЛАЙЛАРДЫҢ ТАҢДАЙЫН ҚАҚТЫРҒАН МАҢҒЫСТАУДЫҢ МАҢҒАЗ ДАЛАСЫНЫҢ КӨКТЕММЕН БІРГЕ КӨГЕРЕ НҰРЛАНҒАН ӘСЕМ ТАБИҒАТЫ БИЫЛ ЕРЕКШЕ КӨЗ ТАРТЫП, ДАЛАНЫҢ СҮЛУЛЫҒЫН АҢСАҒАНДАРДЫ ӨЗІНЕ ЕМІРЕНТПЕЙ ҚОЙМАДЫ. ТАЛҒАМНЫҢ ТАЛАСЫНА ТҮСПЕЙ-АҚ ЕЛІТІП ӘКЕТЕТІН ШӨЛ ДАЛАНЫҢ ӨЗІНЕ ТӘН КЕРЕМЕТТЕРІ ТУРИСТЕРДІҢ БАҒЫТЫН ӨЗІНЕ ҚАРАЙ ЕРІКСІЗ БҰРДЫ. КАСПИЙДІҢ ЖАҒАСЫНА ЖАЙҒАСҚАН АҚТАУ ҚАЛАСЫ ДА АЛЫС-ЖАҚЫННАН КЕЛГЕН ДЕМАЛУШЫЛАРДЫҢ АЛҒАШҚЫ АЯЛДАР МЕКЕНІНЕ АЙНАЛҒАЛЫ ҚАШАН. ӨНІРІМІЗ ТАРИХИ-МӘДЕНИ ОРЫНДАРҒА БАЙ, ТАБИҒАТЫ ӨЗГЕШЕ, ӨЗІНДІК ТУРИЗМ ӘЛЕУЕТІ БАР ӨЛКЕ. БІРАҚ СОҢҒЫ ЖЫЛДАРЫ «ТУРИСТ ТARTY КЕРЕК» ДЕГЕН ЖАҚСЫ НИЕТ КӨП АЙТЫЛҒАНЫМЕН, ІС ЖҮЗІНДЕ КЕЛГЕН ҚОНАҚТЫ ҚАБЫЛДАЙТЫН ОРЫН ТАПШЫ ЕКЕНІ АЙҚЫН СЕЗІЛУДЕ.

Әсіресе жаз мезгілінде Форт-Шевченко, Кендірлі, Ақтау маңындағы демалыс аймақтарында орын табу қиынның қиыны. Халықаралық немесе республикалық турфирмалар да инфрақұрылымның әлсіздігіне байланысты Маңғыстау бағытына келуге асықпайды.


Жаз айларында толассыз ағылатындардың жатар орны мен демалатын жері жеткілікті, әрі бәсекелестікке сай болуы керек емес пе?! Бұл сыннан сүрінбей өту үшін жауаптылар туристердің тұрақтары мен оларға көрсетілер сапалы қызметтің санын ұлғайту үшін жеке кәсіпкерлер-

мен тығыз жұмыс жасап жатқандарын айтады. – Жазғы маусымда Ақтаудағы туристер саны айтарлықтай артады. Қаланың инфрақұрылымы мен қонақ үйлері жалпы қажеттілікті өтеуге қауқарлы, алайда сұраныстың шарықтау кезеңі – шілде мен тамыз айларында ертерек брондау қажеттілігі туындайды. Сондықтан орналастыру орындарын ұлғайту, сервисті арттыру бағытында жеке кәсіпкерлер мен мемлекеттік органдар тығыз жұмыс атқаруда, – дейді қалалық кәсіпкерлік және ауыл шаруашылығы бөлімінің басшысы Нұрсейіт Айладыр.

» 3

• БҮГІНГІ САНДА

КАСПИЙДЕ ЖАҢА АРАЛДЫҢ ПАЙДА БОЛУЫ ЭКОЛОГИЯЛЫҚ АПАТТЫҢ БЕЛГІСІ МЕ?



Табиғат зерттеушілері әлемдегі ең үлкен тұйық су қоймасынан жаңа арал көрінді деген жаңалықтың жақсы еместігін, бұл арал астында жоғалған судың, жойылған тіршіліктің, өзгерген климаттың белгісін білдіретінін айтып дабыл қақты.

» 3

АҚТАУДА АЙТЫС ӨТПІ ДҮБІРЛЕГЕН...



Ақтаудың ажарын ашқан, рухты өнердің аламанына айналған айтыстың актық сайысы өз мәресіне жетті. 10 шілдеде өткен «Маңғыстау – түркі мәдениетінің торі» атты республикалық командалық айтыс елдің түкпір-түкпірінен келген сөз сүйелерінің басын қосты.

» 8

«АУЫЛ АМАНАТЫНЫҢ» АЙМАҚТАҒЫ АХУАЛЫ ҚАНДАЙ?

ОСЫДАН ЕКІ ЖЫЛ БҰРЫН БАСТАУ АЛҒАН «АУЫЛ АМАНАТЫ» ЖОБАСЫ АУЫЛ ХАЛҚЫНЫҢ ӘЛ-АХУАЛЫН АРТТЫРУ, ЖАДАУ ТҰРМЫСЫН ЖАҚСARTY, ШАЛҒАЙ АУЫЛДАРДАҒЫ ШАҒЫН ШАРУАШЫЛЫҚТАРДЫҢ ШАШАУЫН ШЫҒАРМАЙ ҰСТАП, ҰТЫМДЫ ІСТІ ҰЙЫМДАСТЫРУЫ ҮШІН ҰТҚЫР ҰСЫНЫСТАРДЫ ДАЯРЛАУ, АГРАРЛЫҚ САЛАНЫ АЛҒА БASTYAPY APҚЫЛЫ АЗЫҚ-ТҮЛІК ҚАУІПСІЗДІГІН НЫҒАЙТУ СЫНДЫ ӘЛЕУМЕТТІК-ЭКОНОМИКАЛЫҚ ҚАТЫНАСТАРДЫ РЕТТЕУГЕ БАҒЫТТАЛДЫ.



» 5

ҚАРСЫ ЖАРЫҚТАН ҚОРҒАЙТЫН ЭКРАН – ЖҮРГІЗУШІГЕ ҚОРҒАН

ЖЕТІБАЙ МЕН АҚТАУ АРАСЫНДАҒЫ ТАС ЖОЛДА ЖҮРГІЗУШІЛЕРДІҢ КӨЗІН ҚАРСЫ КӨЛІКТЕРДІҢ ЖАРЫҒЫНАН ҚОРҒАУҒА АРНАЛҒАН ЭКРАНДАР ОРНАТЫЛЫП ЖАТЫР. «ҚАЗАВТОЖОЛ» ҰЛТТЫҚ КОМПАНИЯСЫНЫҢ МӘЛІМЕТІНШЕ, БҰЛ ҚОРҒАНЫС ҚҰРАЛДАРЫ ТҮНГІ УАҚЫТТА КӨЛІК ЖҮРГІЗУДІ ҚАУІПСІЗ ӘРІ ЖАЙЛЫ ЕТУГЕ БАҒЫТТАЛҒАН.



Қарсы бағыттағы көліктердің шамы жүргізушінің көру қабілетін уақытша шектеп, жол-көлік оқиғасына себеп болуы мүмкін. Орнатылып жатқан экрандар осы қатердің алдын алуға көмектеседі. Жалпы ұзындығы 11,7 шақырым болатын 21 500 қорғаныс экраны қойылады деп жоспарланған. Қазіргі уақытта шамамен 6 шақырымды қамтитын 11 000 экран орнатылған. Жұмыстарды 2025 жылдың шілде айының соңына дейін аяқтайды.

Маңғыстау ақпарат.

ВАЛЮТА БАҒАМЫ		АУА РАЙЫ	
		ТҮН	КҮН
(USD) АҚШ доллары	527.50	Ақтау	+23 +29
(EUR) Еуро	614.91	Жаңаөзен	+24 +37
(RUB) Ресей рублі	6.97	Форт-Шевченко	+28 +32